

Fylkesmannen i Hordaland si kandidat til jordvernpris 2017



God bruk av overskotsmassar kan gi gode jordbruksareal (illustrasjonsfoto) (Foto: Øyvind Vatselle / FMHO)

Publisert 31.03.2017

Fylkesmannen i Hordaland innstiller Region Nordhordland som kandidat til jordvernpris.

Bakgrunn

I samband med nasjonal jordvernstrategi som blei lagt fram for Stortinget i Prop. 127 S (2014-2015) om jordbruksoppgjøret m.m., var eitt av tiltaka å etablere ei nasjonal jordvernpris. Landbruks- og matdepartementet har som følge av dette, saman med KS, utarbeida statuttar for ein slik pris.

Formålet er å «*styrke jordvernet. Prisen skal bidra til å øke oppmerksomheten om jordvernet, særlig i kommunene og fylkeskommunene, og få fram gode ideer og eksempler på tiltak, planer og strategier for å ta vare på dyrka mark.*»

Målgruppa er fylkeskommunar og kommunar som tek aktive grep i regionale planar og i kommune- og reguleringsplanar. Prisen vil bli delt ut annakvart år av ei jury som blir leda av landbruks- og matministeren, og prisen blir delt ut for første gong sommaren 2017. Fylkesmannen i Hordaland har blitt bede om å sende inn eit grunngjeve forslag om minst ein kandidat frå Hordaland fylke til Landbruks- og matdepartementet innan 1. april.

Kandidaten

Fylkesmannen i Hordaland si kandidat til jordvernprisen 2017 er Region Nordhordland for rettleiaren «*Jordmassar – frå problem til ressurs*».

Det er i brevet til Landbruks- og matdepartementet lagt vekt på at rettleiaren som er utarbeidd av kommunane i Nordhordland har bidrege til å rette fokus på dei ulike problemstillingane knytt overskotsmassar, slik at dei kan nyttast til å styrkje driftsgrunnlaget til landbrukseigedomar. Rettleiaren bidreg til å avklare sentrale spørsmål knytt sakshandsaming som dei private, men også det offentlege, har til gjennomføring av tiltak.

Rettleiaren har vore til hjelp for ikkje berre dei kommunane som har utarbeidd den, men også for andre kommunar i Hordaland, slik at den beste jorda blir varetatt og nytta i eit framtidig perspektiv.

Grunngjevinga for kandidaten ligg i si heilheit i høgre marg, saman med brevet frå Landbruks- og matdepartementet og statuttane til prisen – og sjølve rettleiaren «*Jordmassar – frå problem til ressurs*».